

Gvangjsih Minzcuz Bau

Guenjbanh: Gvangjsih Bouxcuengh Swcigih Minzcuz Cunghvau Swvu Veijvenzvei

Okbanj: Gvangjsih Minzcuz Bause

Geiz neix 8 bani

广西民族报

Aenhauh okbanj: CN45-0036

B.2021

Nd.11

Ng.3

Liggaeuq sincouj nienz ndwengouj ngeihgouj

Geizsoq: Gungh daih 3497 geiz

Aen Hoih Hong Minzcuz Daengx Gih Youq Nanzningz Hai

全区民族工作会议在南宁召开

Ndwen 11 ngoenz 1, Aen Hoih Hong Minzcuz Daengx Gih youq Nanzningz hai. Swcigih Dangjveij suhgi Liuz Ningz camgya haihoih caemhcaiq gangjavah, giengzdih aeu haeujlaeg hagsib gvancez gij swhsiengj youqgaenj Siz Ginbingz cungjsuhgi mizgven gyagiengz caeuq gaijndei hong minzcuz caeuq gij cingsaenz Aen Hoih Hong Minzcuz Cunghyangh, haeujlaeg hagsib roxyiuj gij cingsaenz gangjavah youqgaenj “4·27” Siz Ginbingz cungjsuhgi, netsaed gvancez doeksaed gij iugouz baenzroix gangjavah youqgaenj Siz Ginbingz cungjsuhgi doiq hong Gvangjsih haenx, aeu cukmaenh gij eiqsik caezcaemh Cunghvaz Minzcuz guh sienqmeh, gaenxmaenh caezhwnq aen dieg guhyiengh cukmaenh gij eiqsik caezcaemh Cunghvaz Minzcuz, haenqrengz doicaenh hong minzcuz seizdaih moq hwnghat youh ndei youh vaiq byaij baihnaj, guh yienghndei, gyonj sim comz rengz cauhlaeb aen Gvangjsih gyaundeisei cujyi miz daegsaek Cungguk seizdaih moq. Swcigih Dangjveij fusuhgi, Swcigih cujsiz Lanz Denhliz cujiz aen hoih caemhcaiq cienz mizgven cingsaenz, Swcigih Cwnghez cujsiz Sunh Daveij camgya, Swcigih Dangjveij fusuhgi Liuz Siujmingz cungjgez gangjavah.

Liuz Ningz giengzdih, gij gangjavah youqgaenj Siz Ginbingz cungjsuhgi youq Aen Hoih Hong Minzcuz Cunghyangh, vih guhndei hong minzcuz dangj seizdaih moq vix cingcu le fueng'yiengq baenaj, daezhawj le gij ciuqei gaenbonj. Daengx gih gwnz laj aeu nyinhcaen hagsib gvancez, roxyiuj laegdaeuq, gaemdawz cinjdeng gij lizsij fueng'vih caeuq sawjmingh youqgaenj hong minzcuz seizdaih moq, aeu “12 aen itdingh” yungzhaeu daengz daengx aen ginggvaq gak dieg hong minzcuz, giendingh mbouj bienq byaij diuzroen cingqden gajgez minzcuz vwndiz miz daegsaek Cungguk, roxyiuj laegdaeuq, gaemdawz cinjdeng cukmaenh gij eiqsik caezcaemh Cunghvaz Minzcuz diuz sienqmeh hong minzcuz seizdaih moq neix, cungfaen roxnaj de dwg lizsij itdingh, gig youqgaenj, cimdoi yienhsaed, daegbied gaenjgip; roxyiuj laegdaeuq, gaemdawz cinjdeng gij gvanhaeh hungnaek cauhamoq hwnghat hong minzcuz, itloh aeu gij leih'ik Cunghvaz Minzcuz baij youq vihdauz, fugcoengz caeuq



▲Ndwen 11 ngoenz 1, Aen Hoih Hong Minzcuz Daengx Gih youq Nanzningz hai.

Liengz Gaijcanh ingi

fugsah ndei gij eiqsik caezcaemh Cunghvaz Minzcuz; roxyiuj laegdaeuq, gaemdawz cinjdeng gij iugouz youqgaenj mizgven gyagiengz caeuq gaijndei dangj cienzmienh lingidauj hong minzcuz, mboujduenh daezsang rengzbuenqdingh cwngci, rengzroxyiuj cwngci, rengzcaephengz cwngci, doxgiet daiq daengx gih gak minzcuz beksingq caezcauh daengzcog gyaundeisei, caeziengj yungzdaeu hungmbwk.

Liuz Ningz giengzdih, aeu cienzmienh doicaenh hwnjguh aen gyananz cingsaenz caezcaemh Cunghvaz Minzcuz, fatyiengz gij cingsaenz hungmbwk Cunghvaz Minzcuz, gyalai nyinhdoengz vwnzva Cunghvaz, haenqrengz doigvangq cienzdoh saw vah doeng'yungh guekgya, yungh lijsiengj saenqniemh caezcaemh gyonj sim lienh vunz, guhbaenz diuzsai cingsaenz hung'ak simvunz gyonjcomz, doxgiet baenaj. Aeu gyamaenh daezswng gij cwngzgoj vutgunz gungeng caeuq cienzmienh hwnq baenz aenbiengz siujgangh, gyalai rengz haeujcoengh aen yienh bangfuz cundenj lajmbanj saenqhwngh, gyavaiq hwnghat canjnieb miz daegsaek dieg

minzcuz, daezswng suijsingz fugsah goenggungh gihbwnj dieg minzcuz, gyagiengz hong hawj bien'gyaiq anonj, bien'gyaiq hwnghoengh, bien'gyaiq onjmaenh seizdaih moq, youq gwnz diuzroen moq yendaiva gyavaiq dieg minzcuz hwnghat youh ndei youh vaiq. Aeu gaenxmaenh doidoengh caeuq coicaenh gak minzcuz dox baedauq doxygau doxyungz, laebdaeb cauhaeb yiengh doxhab sevei gezgou caeuq sevei vanzging, haenqrengz haiguh hong cauhaeb guhyiengh cukmaenh gij eiqsik caezcaemh Cunghvaz Minzcuz, gyamaenh hwnghat gij gizmen sengdoengh Cunghvaz Minzcuz ranz caen ndeu. Aeu gyagiengz hwnjguh gij rengz eifap ceihleix hongsaeh minzcuz, dingjmaenh caeuq laebndei aen cidu dieg minzcuz gagguenj, laebcaez laebndei aen diji minzcuz cwngcwz caeuq fapgi deihsueng, eifap baujmaenh gij gienzik habfap gak cuz vunzlai, mboujduenh daezswng gij suijsingz yendaiva naengzlig ceihleix caeuq diji ceihleix hongsaeh minzcuz. Aeu genhgez fuengzre gij huxndumj fung'yiemj hungnaek gizdieg minzcuz, seizseiz rag gaenj diuz yienz henho

minzcuz doxgiet neix, genhgez henho guekgya ancienz doengjit, genhgez soujmaenh aen dieg hingzdai eiqsik, mbouj hawj vunz lawz seiqlig lawz gauxca buqvaih minzcuz doxgiet caeuq bien'gyaiq onjdingh.

Liuz Ningz giengzdih, dawz gyagiengz dangj lingidauj yungzhaeu daengx aen ginggvaq gak dieg hong minzcuz, genhgez gvancez gij gezcwz baijbouh Dangjuncunghyangh, geiqmaenh “gij hung guekgya”, mboujduenh laebndei aen ghici diji hong minzcuz, gyagiengz hwnjguh aen doih vunzcaiz ganbu, hwnjguh gihcwngz cujiz caeuq gihcwngz cwnggenz ak, cienzmienh daezswng gij naengzlig caeuq suijsingz gajgez minzcuz vwndiz, guhndei hong minzcuz, gyonjcomz rengz hung'ak doicaenh hong minzcuz seizdaih moq hwnghat youh ndei youh vaiq.

Swcigih seiq aen ban dangjyenz lingidauj dungzci, swcigih song yienh cujyau lingidauj, ghiciz, cunghciz youq Gvangjsih mizgven danhvei cujyau fucwz dungzci youq hoihciengz daeu camgya haihoih. Gak si, yienh (si, gih) laeb hoihciengz iq.

(Vei Hwngh Liu Ciyungz)